

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De Ebionaeorum haeresi. Cap. XXI.

**urn:nbn:de:hbz:466:1-29861**

se nobilitauit: & seruatorem ad hominū cōseruationem ac salutē ccelitus ē seculis inuisibilibus demissum se prædicauit, docuitq; neminem aliter ex angelorū dominatu, qui mundum fabricasset, se posse eripere, quām vt prius experiētia magica ab ipso tradita instruētus esset, & baptismatē, quod ille impertire solebat, ablutus. Quo quidē qui essent dignati, eos perpetuam in hac vita immortali-  
tem adepturos, & non amplius subituros mortem, sed eodem in loco in æternum cōmorantes, nulli senio, nullive internectioni aliquando obnoxios fore. Ista certē ex Ire-  
nai scriptis facilē licet perspicere: Iustinus item vbi per-  
ditū Simonis conatum memorarit, huius etiam fraudem  
narrare pergit his verbis. Menandrum quendam Samari- *Inst. ad*  
tanum ex vico Caparattæ ortum, Simonis discipulum, *Anton.*  
furore quodā dæmoniaco agitatum, Antiochiam aduen- *fol. 144.*  
tasse, & multos magicq; artis præstigiis in fraudem indux-  
isse cognouimus: qui quidem illis, quos ad se sequendum  
pellexisset, persuasit, quod nunquā omnino morte essent  
interituri. Quidam etiam adhuc eius præceptis instituti,  
idem profitetur. Erat igitur diabolici plane conatus cō-  
mentum, qui quidem per magicam astutiam eiusmodi præ-  
stigiorū, adeò calide Christianorū nomen usurpantiū,  
magnum pietatis & religionis nostræ mysterium, infamia  
notare: atq; ecclesiastici dogmatis de animæ immorta-  
litate, & resurrectione mortuorum traditis, maleuola ob-  
trectatione omnem auctoritatem abrogare obnoxie labo-  
rauit. Verū isti, qui hos seruatores sibi asciperint, de ve-  
ra salutis spe penitus deciderunt.

De Ebionæorum hæresi.

C A P. XXI.

**A**Lios porrò nequā & improbus dæmō cum ab amo-  
re, quem erga Christum Dei habebant, nullo modo  
per artismagicæ præstigias posset dimouere, cosdē  
tamen, vbi alia quadam astutia irretiri posse cōperiret, ve-  
teratoriè tandem sibi suoq; addixit obsequio. Iſi ex primo  
illius ſecte auctore nomē duc̄tes, Ebionēi propriè appel-  
lati sunt, hoc est, mentis & intelligētię inopes, quippe qui  
de Christo & eius doctrina tenuiter & abiecte statuerēt  
opinarenturq;. Eum namq; simplicem vulgarem, & ſolum  
homi-

## EVSEBII HISTORIAE

hominem censuerunt, & ex concubitu coniunctioneque Iosephi viri cum Maria uxore sua, in hanc lucem editam: Verum propter progressionem, quam in virtute fecisset, hominem iustum censuerunt, at solum hominem tamen. Porro legis Mosaicæ obseruatione omnino ipsis opus esse, perinde ac si fide sola in Christum, & vita ratione, quæ cum illa cohæret, neutiquam salui esse possent. Præster istos alii etiam erant eadem appellatione donati, qui quanquam ab inepta & stulta horum, quos commemorauimus, opinione deflexerunt, atque adeo ex virgine & spiritu sancto, dominum prognatum non denegarunt, non dissimili tamen ratione, dum ipsum Christum nec Deum, qui ante secula extitit, nec verbum, & sapientiam patris fuisse confiteri volebant, in eandem cum superioribus impietatem prolapsi sunt: Idque maximè cum corporalem veteris legis obseruationem cultumq; pari ratione cum illis celebrare omni studio niterentur. Ibi porro epistolas Pauli apostoli penitus reiiciendas ducunt, cumque nominant legis desertorem proditorēq; euangelio solo, quod secundum Hæbreos dicitur, utentes, cætera euangelia non magno æstiment. Et non solum sabbatum, & reliquam Iudaicam institutionem similiter cum illis superioribus obseruant, verùm etiam dies dominicos pari ratione nobiscum in resurrectionis servatoris nostri memoriam accurate recolunt. Vnde ob talē conatum, tale etiam nomen nimirum, vt Ebionæ vocarentur, obtinuerunt: quod quidem ipsorum mentis & intelligentię tenuitatem propriè declarat. Nam hec vox, Ebion, lingua Hebraica, pauperem & egētem significat.

*De Cerintho hæresiarcha.*

CAP. XXII.

**E**isdem temporibus, Cerinthium quendam alterius hæresis ducē & auctōrē extitisse accepimus. Gaius (cuius voces iam supra posuimus in libro qui disputatione Gaij inscribitur, hæc de illo scribit. Cerinthus, qui per adumbratas reuelationum, tanquam à magno quondam apostolo conscriptarum species, absurdā portenta præstigi